

《中國地方志薈萃》編委會 編

中國地方志薈萃

西南卷·第三輯 陸

中國地方志薈萃

西南卷·第三輯

陸

《中國地方志薈萃》編委會
編



九州出版社
JIUZHOU PRESS

全國百佳圖書出版單位

康熙夾江縣志

出版說明

康熙夾江縣志

(清) 李大成修

田 樟等纂

本書六卷，清康熙二十四年（一六八五）修，現據鈔本影印。

凡例

一邑制久銖片簡無存今採錄諸書彙纂成集非聞見悉真者不敢登

一編次條目參酌詳明或刪繁就簡而不失之畧或另疏款項而不以為增逐類相求庶便觀覽

一縣制自經兵火事類頓殊茲集援古據今開列明悉俟漸復全盛以便增補

一古蹟久湮者事屬前休雖廢必錄至後起後諸務關體制者概融不收免異聽聞

一事見他集或先後舛錯地里差訛必行確証改書

疑傳信義有所歸敢云鑿古

一典祀係天下公禮非一邑之私儀至於忠貞前哲

會膺先朝異數者見人物或入鄉賢無庸再筆

一志以紀事原以資考據也務為雅俗咸宜非取藻

繪為工指事直陳匪曰荒鄙

一僻壤荒陬典籍未備兼之淺見薄識搜採未宏絃

漏之愆自知不免但恭逢盛會搦管何辭踵事增

華是所望於同志者

目錄

卷之一

纂修姓名

文林郎知夾江縣事三晉李大成總裁

儒學訓導渝東田樟全修

舉人何獻徵

楊子清

貢生呂節

江沛

李侯鄴參訂

儒學廩膳生員張奇育

宿演裔

雷啟俊

王秀章

王崧

王崧
嶠全校正

夾江縣典史閔中于建猷採輯

夾江縣志卷之一

星野

粵自乾坤定位形氣相維資始資生其理實一天官家以保章氏主星辰辨九土之屬察祗祥別徵應此分野之說所自未矣但在天一度統地二千九百三十二里是一邑之在地中不過彈丸黑子耳而欲專配天星杳何所據然以全輿例之嘉為蜀之一隅而夾又嘉之一隅即省屬而分之又即郡屬而分之大抵相去者止度中之一秒姑本昔人所載以俟精於天文者作星野志

按史記以益屬參分而漢書又云巴蜀分井鬼參又云觜觿參主益州其在晉書云自東井十六度至柳八度為鶉首又云益州入參七度隋書亦然獨唐宋以蜀為井鬼分野亦曰鶉首河圖括地象則又專以井絡為言邑人張庭註曰井絡即鶉首則是皆以參井為蜀分矣諸說紛紛非精於推步者又烏從置喙哉然就諸說求之大抵井鬼入參為正而經次所及益州入參一度嘉在下流漸轉而南與戎渝相近則又次於益州入參二度其說有據嘉如是則夾亦如是斯則揣摩前說以立言也惟俟博雅者詳訂焉

按舊志夾邑編戶一十五里乃未分之初制也但相沿未及改政耳不知自洪夫兩分夫邑止九里甲申凋敝之後又酌為六里今定里名見賦役志又考夫為嘉屬之首治前原有古坊題曰漢嘉首邑昔時縣令凡憲綱諸務有闕國體者決不相下今以義居首洪次之夫又次之在輿圖諸書不知何據而紀載亦如此令人無所質辨蓋以事小而不及察也雖先後皆朝廷幅幘無闕於民社之重輕然即春秋中蔡衛易序必書則又不可以不辨也故誌之

城池

王公設險公自先鑿築之圖致治守邦保障玃金湯
之計匪曰有形是恃亦以國本所依未雨綢繆蓋取
諸豫也夫據上南要衝背山面水地散而平垣塹之
宜嚴較他邑實為倍甚自建石以來言言崇墉環以
江流半壁西南實基於此但頽圯不時總由工修未
密况江水泛激奔潰又可慮乎惟在因時而培葺之
毋滋大壞則苞桑永真萬世無疆矣作城池志

按城圖長圓而中直名曰半月臨江為門有五

東曰東暉門今為迎恩門

南曰南安門今為披薰門

西曰西城門今為賓義門

北曰北望門今為瞻極門

蠻門為聚奎門今為鍾英門

考自建邑以來歷皆王坏上覆以瓦至明天順中縣令郭奇始為磚牆成化間主簿費麒砌門覆樓正德中縣令楊潤補葺之僉事盧翊始令用石包砌增堞崇二丈延九百丈有奇自崇禎甲申歲張獻忠據蜀後以蜀人不服必欲屠盡而後他往丙戌春分兵四出賊一支抵夾甫六月而域郭宮室焚燬殆盡矣又將城垣雉堞盡拆毀之後以

國朝大師臨比獻賊授首餘孽乃遁去至今才遺皆賴
此也城毀近十八年前縣令劉際亨於康熙二年奉
任次年即行修理建立門樓越二載工成而邑制重
新矣後人為江水所潰奔塌數處縣令孫調鼎又重
葺之尚未完固也今奉

新諭修築有自力加培護自能垂久至於池在西南城
下者即青衣江之分流至城南而注為潭土人呼曰
縣沱下流即為三堰寶寶灌溉焉其北城以東又即
八堰之水環遶而下因以為池所缺者止西北一小
隅及東南十數丈耳昔曾決土為濠今以世年復淤

而諸堰之經流則終古不變焉堰名見水利志
又按夫邑自獻賊據蜀蜀人多叛賊者當時名曰土
暴其實則明之忠民也會糾衆萬餘五攻夫城而不
能下鄉人皆入郭借以保全者甚多豈非城池之利
哉其事雖微然亦証今者所必志也

公署

天子尊居九重統理六服辰居星共厥惟天樞下至一方
一邑聽政公庭位皆南面所以向明出治尊重國體
也人臣分符錫壤或翊贊宣猷上之

皇華驛使按部有方莫不有停驂遶館之地焉履斯位也

邱觀榘楠帝鑒臨之俯察階墀民生係之豈徒矜壯
麗侈歸崇已哉宋祖之言曰洞開重門正如我心稍
有邪曲人皆見之聖謨洋洋信可箴也然則臨民者
當如何曰無私作公署志

縣治知縣一員 主簿一員 裁 典史一員

儒學教諭一員 裁 訓導一員

按縣治在明洪武初縣令易迪始修舉焉正廳三間
左架閣庫一間右贊政廳一間後穿堂一間又清心
堂三間恩政樓一座東西六房各五間儀門三間中
明旌善二亭左吏舍右禁房以及賓館譙樓大門皆

備至明末如故丙戌春燬於賊遂構茅為室康熙三年縣令劉際享重修康熙二十二年奉頒

今上御書清慎勤三大字縣令孫調鼎遵製匾額懸挂中堂又於康熙二十四年知縣李大成未任按舊制重建

聖諭坊於中門內併修理贊政廳及禁獄倉室皆成而縣治煒然可觀矣獨鼓樓大門缺焉今天下太平可漸次舉也

督糧廳署縣署右南向今廢

巡捕廳署糧廳右東向舊制無存前捕官構小屋一